




59551

kat.komp.



Mag. St. Dr.

*Woszyzna Ioannis: Quacstia physica de
quidditate temporis.*



D. O. M.

Q V Æ S T I O
P H Y S I C A,

D E

59557⁷

QVIDDITATE TEMPORIS.

Ad disputandum publicè
IN ACADEMIA CRACOVIENSI,

Sub felicibus auspicijs

Illustreis, Magnificis, & Admodum Rñdi Domini,

D. GREGORII
MODLINSKI,

S. Th. & I. V. Doct. Præpositi ad S. ANNAM,
Scholarum Vladislavianowodworfcia-
narum Prouisoris,



Almæ Vniuersitatis Cracouiensis
GENERALIS RECTORIS
VIGILANTISSIMI.

A

M. JOANNE WOSCZYNA,
Contubernij Philosophorum Seniore, Ecclesiæ Collegiatæ
S. ANNÆ CANONICO
Proposita.

Anno Domini, 1653. Mense Iulio, Die 29 Hora 10

CRACOVIAE,
In Officina Viduæ & Hæredum Francisci Cæsarij, S. R. M. Typog.

Q V Æ S T I O P H Y S I C A,

De Tempore.

V. Tempus sit Ens reale, de genere quantitatis, quod est mensura motus secundum prius, & posterius, in Continuum, & Discretum diuisum, à motu realiter distinctum: sitque vnum numero, quò omnes res mensurantur necne?

CONCLUSIO I.

Tempus est Ens reale, de genere quantitatis.

C O R O L L A R I A.

- I. *Tempus non est reuolutio cæli, neque motus cæli.*
- II. *Tempus non est Sphæra, licet in orbem eat.*
- III. *Tempus non est fluxus, nec continuïtas continuïtatis.*
- IV. *Tempus non est relatio, aut duratio.*
- V. *Tempus non est continuïtas priuatiua motus, aut continuïtas positiua.*

CONCLUSIO II.

Tempus est numerus motus, secundum prius, & posterius.

C O R O L L A R I A.

- I. *Tempus sic definitum, est subiectiue in primo mobili, illiq; soli competit.*

II. Eadem nihilominus definitio temporis, potest accommodari tempori intrinseco, aliorum motuum particularium.

III. Non motus tantum, sed etiam esse rerum generabilium, & corruptibilium tempore mensuratur.

IV. Ex definitione temporis, rectè inferuntur, omnes proprietates, & omnes solvuntur difficultates.

V. Quemadmodum tempus est mensura motus: ita & quietis.

CONCLUSIO III.

Tempus rectè diuiditur, in Continuum, & Discretum.

COROLLARIA.

I. In tempore continuo, unum est instans Extrinsecum, multiplex Intrinsecum. In discreto plura sunt instantia, ut in numero plures unitates.

II. Instans Extrinsecum, quando dicitur esse diuersum ratione, non aliud importat, quam eiusdem instantis replicationem, ex qua replicatione, consurgit tempus, & instantia, quibus partes temporis continuantur.

III. Etsi nihil sit temporis continui, nisi hoc instans Extrinsecum, non tamen hoc instans est aliquid temporis.

IV. Sicut instans temporis intelligitur, veluti numerus partium numeratarum in continuo tempore: ita instans æternitatis intelligitur, ut unitas rei, per se eodem modo se habentis, quo ad substantiam, & operationes.

V. Æuum est medium, inter æternitatem, & tempus.

CONCLUSIO IV.

Tempus à motu realiter distinguitur.

COROLLARIA.

I. Etsi distinguantur realiter, non tamen realitate maximâ, sed minori.

II. Cùm definitur tempus, per motum, illa definitio non est formalis, sed causalis.

III. Ita distinguuntur proprietates motus, & temporis inter se, ut motus & tempus inter se distinguuntur.

IV. Prius, & posterius, à priori, & posteriori motus, ita distinguuntur, ut motus, & tempus.

V. Successio Enti non repugnat distingui realiter, ab alio successio, licet non habeat totum esse simul.

CONCLUSIO V.

Tempus est vnum numero, quo omnes res sublunares mensurantur formaliter, & completè acceptum.

COROLLARIA.

I. Tempus cuiusvis rei naturalis intrinsecè, subordinatur tempori primi mobilis.

II. Nomina tempus significantia, Mensis, Annus, Lustrum, Olympias, Indictio, non inferunt pluralitatem temporum.

III. Licet motu mensuremus etiam hoc modo tempus, non tamen inferetur unquam plura esse tempora, quia plures sunt motus.

IV. Quemadmodum vnum statuimus tempus horum inferiorum, illudq^{ue} ponimus in primo mobili: ita tempus Angelicum in primo Angelo.

V. Pro motibus Corporum gloriosorum, vnum etiam tempus statuimus, nempe mensuram motus CHRISTI DOMINI Saluatoris nostri.

Cui sit Laus, Virtus, & Gloria.





